

四庫全書

集部

欽定四庫全書

唐詩拾遺卷三

明 高棅 編

七言古詩

長孫無忌

新曲

家住朝歌下早傳名結伴來遊淇水上舊含情玉佩金
鈿隨步動雲羅霧縠逐風輕轉目機心懸自許何須更

待聽琴聲

李康成

採蓮

採蓮去月沒春江
曙翠鈿紅袖水中央
青荷蓮子雜衣香
雲起風生歸路長
歸路長那得久
各迴船兩搖手

玉華仙子歌

紫陽仙子名玉華
珠盤承露餌丹砂
轉態凝情五雲裏
嬌顏千歲芙蓉花
紫陽綵女矜無數
遙見玉華皆掩嫫

高堂初日不成妍
洛渚流風徒自憐
璇階霓綺閣碧題
霜羅幕仙娥桂樹長
自春王母桃花未嘗落
上元夫人
賓上清深宮寂歷厭層城
解佩空憐鄭交甫吹簫不逐
許飛瓊溶溶紫庭步眇眇羸臺路
蘭陵貴士謝相逢濟
北書生尚迴顧
滄洲傲吏愛金丹
清心迴望雲之端羽
蓋霓裳一相識
傳情寫念長無極
長無極永相隨
攀霄
歷金闕弄影下瑤池
夕宿紫府雲母帳
朝食玄圃崑崙
芝不學蘭香中道絕
却教青鳥報相思

盧照鄰

懷仙引

若有人兮山之曲駕青虬兮乘白鹿往從之遊願心足
披磧戶訪巖軒石瀨潺湲橫石徑松蘿羃歷掩松門下
空濛而無鳥上巉巖而有猿懷飛閣度飛梁休余馬於
幽谷掛余冠於夕陽曲復曲兮煙莊邃行復行兮天路
長脩途杳其未半飛雨忽以茫茫山缺圯磴連蜷攀石
壁而無據汧泥溪而不前何無情之白日竊有恨於皇

天迴行遵故道通川遍流潦迴首望羣峰白雲正溶溶
珠為闕分玉為樓青雲益兮紫霜裊天長地久時相憶
千齡萬代一來遊

行路難

君不見長安城北渭橋邊枯木橫槎卧古田昔日含紅
復含紫常時留霧亦留煙春景春風花似雪香車玉輿
恒闌咽若箇遊人不競攀若箇娼家不來折娼家寶抹
蛟龍帔公子銀鞍千萬騎黃鶯一一向花嬌青鳥雙雙

將子戲千尺長條萬尺枝月桂星榆相蔽虧珊瑚葉上
鴛鴦鳥鳳凰巢上雛鷗兒巢空枝折飛鳳去條枯葉落
任風吹一朝顯賴無人問萬古摧殘君詎知人生貴賤
無終始倏忽須臾難久持誰家能駐西山日誰家能堰
東流水漢家陵樹滿秦川行來行去盡哀憐自昔公卿
二千石咸擬榮華一萬年不見朱唇將玉貌唯聞青棘
與黃泉金貂有時須換酒玉麈恒搖莫計錢寄言坐客
神仙署一生一死交情處蒼龍闕下君不留白鶴山頭

我應去雲間海上邈難期赤心會合在何時但願堯年
一百萬長作巢由也不辭

薛曜

舞馬篇

星精龍種競騰驤
雙眼黃金紫艷光
一朝逢遇升平代
伏皂銜圖事帝王
我皇盛德苞六羽
俗泰時和虞石拊
昔聞九代有餘名

山海經夏后
啓舞九代馬

今日百獸先來舞
鉤陳

周衛儼旌旄鍾鎛陶匏聲殷地承雲嘈囋駭日靈調露

鏗鏘動天駟奔塵飛箭若麟螭躡景追風忽見知咀銜拉
鐵並權奇被服雕章何陸離紫玉鳴珂臨寶鐙青絲綵
絡帶金羈隨歌鼓而電驚逐九劍而飈馳態聚跗

並無切馬

蹀躞還急驕凝驟不移光敵白日下氣擁綠煙垂婉轉盤

跚殊未已懸空步驟紅塵起驚鳧翔鷺不堪倚矯鳳迴

鸞那足擬蘅垂桂梟香氤氲長鳴汗血盡浮雲不辭辛

苦來東道祇為蕭韶朝夕聞

按原篇此下尚有閭闔問玉臺側云云十二句原本刪去

司馬逸客

雅琴篇

亭亭嶧陽樹落落千萬尋獨抱出雲節孤生不作林影
搖綠波水彩絢丹霞岑直幹思有託雅志期所任匠者
果留盼雕斲為雅琴文以楚山玉錯以昆吾金虬鳳吐
竒狀商徵含清音雅調感君子一撫一弄懷知己不見
鍾期百年餘還憶朝朝幾千里馬卿臺上應蕪沒阮籍
帷前空已矣山情水意君不知拂匣調絃為誰理調絃
拂匣倍含情況復空山秋月明隴水悲風已嗚咽離鷗

別鶴更淒清將軍塞外多奇操中散林間有正聲正聲
諧風雅欲竟此曲誰知者自言幽隱芝仙容不道人世
知音寡誰能一奏和天地誰能再撫歡朝野朝野歡娛
樂未央車馬駢闐盛綵章歲歲汾川事簫鼓朝朝伊水
聽笙簧窈窕樓臺臨上路妖嬈歌舞出平陽彈絃本自
稱仁祖吹管由來許季長猶憐雅歌淡無味綠水白雲
誰相貴還將逸調賞幽心不覺繁聲論遠意傳聞帝樂
奏鈞天儻冀微身備五絃願持東武宮商韻長奏南薰

億萬年

喬知之

羸駿篇

噴玉長鳴西北來自言當代是龍媒
萬里鐵關行入貢九重金闕為君開
蹀躞朝騎過上苑趨趨暝走發章臺
玉勒金鞍何裝飾路傍觀者無窮極
小山桂樹比權奇上林桃花況顏色
忽聞天將出龍沙漠主持將駕鼓車
去去山川勞日夜遙遙關塞斷煙霞
山川關塞十年征

汗血流離赴月營肌膚稍遠道膂力盡長城長城日夕
苦風霜中有連年百戰場搖珂齒勒金羈盡爭鋒足頓
鐵菱陽垂耳罷輕賫棄置在寒谿大宛蒲海北滇壑舊
巖西沙平留緩步路遠閭頻嘶從來力盡君須棄何必
尋途我已迷歲歲年年奔遠道朝朝暮暮催疲老扣冰
晨飲黃河源拂雪夜食天山草楚水檀溪征戰事吳塞
烏江辛苦地特來報主不辭勞宿昔立功非重利丹山
素節本無求長鳴向君君不留祇應漫漫歸田里萬里

低昂任生死君王儻若不見遺白骨千金猶可市

宋之問

冬宵引

河有冰兮山有雪北戶墜兮行人絕獨坐山中兮對松
月懷美人兮屢盈缺明月的的寒潭中青松幽幽吟徑
風此情不向俗人說愛而不見恨無窮

效白鷗篇

故人贈我綠綺琴兼致白鷗鳥琴是嶧山桐鳥出吳溪

中我心松石清霞裏弄此幽絃不能已我心河海白雲
垂憐此珍禽空自知著書晚下麒麟閣幼推驕癡候門
樂乃言物性不可違白鷗愁慕刷毛衣玉徽閉匣留為念
六翮開籠任爾飛

武三思

仙鶴篇

白鶴乘空何處飛青田紫蓋本相依緱山七月雖長去
遼水千年會一歸緱山杳杳荆寥廓遼水纍纍歎城郭

徑隨羽客步丹丘曾遂仙人遊碧落迢迢碧落斷氛埃
霞堂雲閣幾重開欲尋東海黃金竈仍向西山白玉臺
九臯獨咲方清切五里驚羣俄斷絕月下分行侶度雲
風前颺影疑迴雪風前月下路漫漫水宿雲翔去幾般
宛轉能傾吳國市徘徊巧拂漢皇壇琴中作曲從來易
鼓裏傳聲有甚難夜夜恒飛銀漢曲朝朝常飲玉池瀾
別有聞簫出紫煙還如化履上青天霜毛忽控三神下
玉羽俄看二客旋燕雀終迷橫海志蜉蝣豈識在陰年

莫言一舉須千里為與三山送九仙

張東之

東飛伯勞歌

青田白鶴丹山鳳
嫫女嫦娥兩相送
誰家絕世綺帳前
艷粉紅脂映寶鈿
窈窕玉堂褰翠幙
參差繡戶懸珠箔
絕世三五愛紅粧
冶袖長裾蘭麝香
春去花枝俄易改
可歎年光不相待

王諲

後庭怨

君不見紅閨少女端正時
天天桃李仙容姿
幸得君王憐巧笑
披香殿裏薦蛾眉
蛾眉雙雙人共進
常恐妾身從此擯
甄妃為妬出層宮
班女因猜下長信
長信宮門閉不開
昭陽歌吹風送來
夢中魂魄猶言是
覺後精神尚未迴
念君嬌愛無終始
使妾長啼後庭裏
獨立母看斜日盡
孤眠直至殘燈死
秋日聞蟲翡翠簾
春晴照面鴛鴦水
紅顏舊來花不勝
白髮如今雪相似
傳聞紈扇

恩未歇預想蛾眉上初月如君貴偽不貴真還同棄妾
逐新人借問南山松葉意何如砌北槿花新

張說

奉和入秦路逢寒食應制

上陽柳色喚春歸臨渭桃花拂水飛總為朝廷巡幸去
頓教京洛少光輝昨從分陝山南口馳道依依滿花柳
入關正投寒食前還京遂落清明後路上天心重豫游
御前恩賜特風流便幕那能鏤雞子行宮善巧帖毛毬

渭橋南渡花如撲
麥隴青青斷人目
漢家行樹直新豐
秦地驪山抱溫谷
溫谷香池春溜平
預歡浴日照京城
今歲隨宜過寒食
明年倍宴作清明

許景先

柳

春色東來渡渭橋
青門垂柳百十條
長陽西連建章路
漢家林苑紛無數
縈花始遍合歡宮
遊絲半冒相思樹
春樓初日照南隅
柔條垂綠掃金鋪
寶釵新梳倭墮髻

錦帶交垂連理襦自憐柳塞淹戎幕銀燭長啼愁夢着
芳樹朝催玉管新春風夜染羅衣薄城頭楊柳已如絲
今年花落去年時折芳遠寄相思曲為惜容華難再持

王翰

飛燕篇

孝成皇帝為嬌奢行幸平陽公主家可憐女兒三五許
丰茸惜是一園花歌舞由來時不貴一旦逢君感君意
君心見賞不見忘姊妹雙飛入紫房紫房綵女不得見

專榮固寵昭陽殿紅粧寶鏡珊瑚臺青瑣銀簫雲母扇
日夕風傳歌舞聲只擾長信憂人情長信憂人氣欲絕
君王歌吹終不歇朝弄瓊簫下綵雲夜踏金梯上明月
月下薄蝕陽精昏嬌妬傾人惑至尊已見白虹橫紫極
復聞飛燕啄皇孫皇孫不死燕啄折女弟一朝如火絕
明明天子咸戒之赫赫宗周褒姒滅古來賢聖歎狐裘
一國荒淫萬國羞安得尚方斷馬劍斬取木門公子頭

王冷然

題河邊枯柳

隋家天子憶揚州，厭坐深宮傍海遊。
穿地鑿山開御路，鳴笳疊鼓汎春流。
流從輦北河汾口，直到淮南種官柳。
功成力盡人旋亡，運謝年移樹空有。
當時綵女侍君王，帳殿旌門對柳行。
青葉交垂連幔色，白花飛散染衣香。
今日摧殘何用道，數里曾無一株好。
驛騎江帆損更多，山精野魅藏應老。
涼秋九月露為霜，日夜孤舟入帝鄉。
河畔時時聞落木，客中無箇不沾裳。

賀知章

望人家桃李花

山源夜雨度仙家
朝發東園桃李花
桃花紅李花白照
灼城隅復南陌
南陌青樓十二重
春風桃李誰為容
棄置千金輕不顧
踟躕五馬謝相逢
徒言南國容華晚
遂歎西家飄落遠
的皪長奉明光殿
氛氲半入披香苑
苑中珍木元自奇
黃金作葉白銀枝
千年萬歲不凋落
還將桃李更相宜
桃李從來露井傍
成蹊結影矜艷陽
莫

道春光不可樹會持仙實薦君王

孫逖

雜言丹陽行

丹陽古郡洞庭陰落日扁舟北路尋傳是東南舊都處
金陵中斷碧江深在昔風塵起京都亂如燬雙闕戎虜
間千門戰場裏傳聞一馬化為龍南渡衣冠亦願從石
頭橫帝里京口拒戎鋒青楓林下迴天蹕杜若洲前轉
國容都門不見河陽樹輦道唯聞建鄴鍾中原悠悠幾

千里欲掃攙搶未云已英雄傾奪何紛然一盛一衰如
逝川可憐宮觀重江裏金鏡相傳三百年自從龍見聖
人出六合車馬混為一昔年王氣今何在併向長安就
堯日荆榛古木閉荒阡共道繁華不復全赤縣唯餘江
樹月黃圖半入海人煙暮來山水登臨遍覽古愁吟淚
如霰唯有空城多白雲春風淡蕩無人見

萬齊融

三日綠潭篇

春潭滉漾接隋宮宮闕連延潭水東蘋苔嫩色含波綠
桃李新花照底紅垂菱布藻如粧鏡麗日晴天相照映
素影沈沈對蝶飛金砂礫礫窺魚泳佳人袂袂賞韶年
傾國傾城併可憐拾翠總來芳樹下踏青爭近綠潭邊
公子王孫恣遊翫沙場水曲情無厭禽浮似楫羽觴杯
鱗躍疑投水心劍金鞍玉勒騁輕肥落絮紅塵擁路飛
綠水殘霞催席散畫樓初月待人歸

蔡孚

打毬篇

并序

臣案打毬者往之蹴鞠古戲也黃帝所作兵勢以
練武士知有材也竊美其事謹奏打毬篇一章凡

七言九韻

德陽宮北苑東頭雲作高臺月作樓金鉤玉釐千金地
寶杖琬文七寶毬寶融一家三尚主梁冀頻封萬戶侯
容色由來荷恩顧意氣平生事俠遊共道用兵如斷蔗
俱能走馬入長楸紅鬚錦鬚風駉驥黃路青絲電紫驄

奔星亂下花場裏
初月飛來畫仗頭
自有長鳴須決勝
能馳迅足滿先籌
暮薄漢宮愉樂罷
還歸堯室曉垂旒
已上係初唐之詩

韋應物

五絃行

美人為我彈五絃
塵埃忽靜心悄然
古刀幽磬初相觸
千珠貫斷落寒玉
中曲又不喧徘徊
夜長月當軒如伴
流風縈艷雪更逐
落花飄御園獨鳳
寥寥有時隱碧霄

來下聽還近燕姬有恨楚客愁言之不盡聲能盡未曲
感我情解憂釋結和樂生壯士有仇未得報拔劍欲去
忿已平忿已平夜寒酒多愁遽明

驪山行

君不見開元至化垂衣裳厭坐明堂朝萬方訪道靈山
降聖祖沐浴華池集百祥千乘萬騎被原野雲霞草木
相輝光禁仗圍山曉霜勁離宮積翠夜漏長玉階寂歷
朝無事碧樹歲隄寒更芳三清小鳥傳仙語九華真人

奉瓊漿下元昧爽漏恒秩登山朝禮玄元室翠華稍隱
天半雲丹閣先明海中日羽旄旌節憩瑤臺清絲妙管
從空來萬井九衢皆仰望彩雲白鶴方徘徊憑高覽古
嗟寰宇造化茫茫思悠哉秦川入水長繚繞漢氏五陵
空崔嵬乃言聖祖奉丹經以年為日億萬齡蒼生咸壽
陰陽泰高謝前王出塵外英豪共理天下晏戎夷讐伏
兵無戰時豐賦歛未告勞海潤珍奇亦來獻干戈一起
文物華歡虞已極人事變聖王弓劍墜幽泉古木蒼山

閉古殿纘承鴻業聖明君威靈六合驅妖氛太平遊幸
今可待湯泉嵐嶺還氛氲

劉長卿

登吳故城歌

登古城兮思古人感覽達兮同埃塵望平原兮寄遠目
歎姑蘇兮聚麋鹿黃池高會事未然滄海橫流人蕩覆
伍員殺身誰不冤竟看蒼樹如所言越王嘗膽安可敵
遠取石田何所益一朝空謝會稽人萬古猶傷甬東客

黍離離兮城坡阨牛羊踐兮牧豎歌野無人兮秋草綠
園為墟兮古木多白楊蕭蕭兮悲故柯黃雀啾啾兮爭
晚禾荒阡斷兮誰重過孤舟逝兮愁若何天寒日暮江
楓落葉去辭風水自波

小鳥篇上裴尹

藩籬小鳥何甚微翩翩日夕空此飛只緣六翮不自致
長似孤雲無所依西城黯黯斜暉落衆鳥紛紛皆有托
獨立雖輕燕雀羣孤飛還懼鴈鷗搏自憐天上青雲路

予影徘徊獨愁暮銜環縱有報恩時擇木誰容託身處
歲月蹉跎飛不進羽毛顛悴何人問繞樹空隨烏鵲驚
巢林只有鷦鷯分主人庭中蔭喬木愛此清陰欲棲宿
少年挾彈遙相猜遂使驚飛往復迴不辭奮翼向君去
唯怕金丸隨後來

馮著

行路難

男兒輒軻軻徒搔首入市脫衣且沽酒行路難權門慎勿

干平人爭路相摧殘春秋四氣更廼換人事何須再三
歎君不見雀為鵠鷹為鳩東海成田谷為岸負薪客歸
去來龜反顧鶴徘徊黃河岸上起塵埃相逢未相識何
用強相猜行路難故山應不改茅舍漢中在白酒杯中
聊一歌蒼蠅蒼蠅奈爾何

錢起

雜言山中寄時校書

蓬萊紫氣溫如玉唯予知爾陽春曲別來幾日芳蓀綠

百花滿眼不見君青山一望心斷續

李嘉祐

夜聞江南人家賽神因題即事

南方淫祀古風俗楚媪解唱迎神曲
鎗鎗銅鼓蘆葉深寂寂瓊筵江水綠
雨過風清洲渚間椒漿醉盡神欲還
帝女凌空下湘岸番君隔浦向堯山
月隱田塘猶自舞一門依倚神之祐
韓康靈藥不復求扁鵲醫方曾莫覩
逌客臨江空自悲月明流水無已時
聽此迎神送神曲

攜觴欲弔屈原祠

釋皎然

花石長枕歌答章居士

楚山有石郢人琢琢成長枕知是玉全疑冰片睡恐銷
間發花叢驚不足贈予比之金琅玕瓊花爛爛浮席端
吾師遣吾不執寶今日感君因執看試叩鏗然應清律
纖塵不留蠅敢拂萬物皆因造化資如何獨負清貞質
南山有雲鵲在空長松為我生涼風高支飽詠樂其中

行住四儀皆道意不覺小乘西竺士唯將此物安坐隅
取次閒眠有禪味

李端

瘦馬行

城傍牧馬驅未過一馬徘徊起還卧
眼中有淚皮有瘡骨毛焦瘦令人傷
朝朝放在兒童手誰覺舉頭看故鄉
往時漢地相馳逐如雨如風過平陸
豈意今朝驅不前蚊蚋滿身泥上腹
路人識是名馬兒疇昔三軍不得騎

玉勒金鞍既已遠，追奔獲獸有誰知。
終身樞上食君草，遂與駕駘一時老。
儻借長鳴隴上風，猶期一戰安西道。

樵歌呈鄭錫司空文明

昨宵夢到亡何鄉，忽見一人山之陽。
高冠長劍立石堂，鬢眉頽爽瞳子方。
胡麻作飯瓊作漿，素書一帙在栢牀。
啖我還丹拍我背，令我延年在人代。
乃書數字與我持，小兒歸去須讀之。
覺來知是虛無事，山中雪平雲覆地。
東嶺啼猿三四聲，捲簾一望心堪碎。
蓬萊有梯不可躡。

向海回頭仍淚睫且聞童子是蒼蠅誰為莊生異蝴蝶
學仙去來辭古人長安道路多風塵

雜歌

漢水至清泥則濁松枝至堅蘿則弱十二女子事他家
顏色如花終索寞蘭生當門燕巢幙蘭芽未吐燕泥落
為姑偏忌諸嫂良作婦翻嫌壻家惡人生照鏡須自知
無鹽何用妬西施秦庭野鹿忽為馬巧偽亂真君試思
伯奇掇蜂賢父逐曾參殺人慈母疑酒沽十日人不醉

琴弄一絃心已悲常聞善交無爾汝讒口甚甘良藥苦
山雞錦翼豈鳳凰隴鳥人言止鸚鵡向栩非才徒隱竈
田文有命那關戶犀燭江行見鬼神木人登席呈歌舞
樂生東去終居趙陽虎北轅翻適楚世間反覆不易陳
緘此貽君淚如雨

顧況

劉禪奴彈琵琶歌

感杞國
韓公夢

樂府只傳橫吹好琵琶寫出關山道羈鴻出塞繞黃雲

邊馬仰天嘶白草
明妃怨中漢使迴
蔡琰愁處胡笳哀
鬼神知妙欲收響
陰風切切四面來
李陵寄書別蘇武
自有主人無此苦
當時若值霍驃姚
滅盡烏孫奪公主

李益

促促曲

促促何促促
黃河九迴曲
嫁與棹船郎
空牀將影宿
不道君心不如石
那教妾貌長如玉

塞下曲

蕃州部落能結束朝暮馳獵黃河曲燕聲一斷塞鴻飛
牧馬羣嘶邊草綠秦築長城城已摧漢武北上單于臺古
來征戰虜不盡今日還復天兵來黃河東流流九折沙
場埋恨何時絕蔡琰沒去造胡笳蘇武歸來持漢節為
報如今都護雄匈奴且莫下雲中請書塞北陰山石願
比燕然車騎功

登天壇夜見海

朝遊碧峰三十六夜上天壇月邊宿仙人攜我零玉英

壇上夜半東方明仙鍾撞撞近海日海中離離三山出
霞梯赤城遙可分霓旌絳節倚彤雲八鸞五龍紛在御
王母欲上朝元君羣仙指此為我說幾見塵飛滄海竭
竦身別我期丹宮空山處處遺清風九州下視杳未旦
一半浮生皆夢中始知武皇求不死去逐瀛洲羨門子

張建封

酬韓校書愈打毬歌

僕本修文持筆者今來率領紅旌下不能無事習蛇矛

閒就平場學使馬軍中伎養驍智材競馳駿逸隨我來
護軍對引相向去風呼月旋朋先開俯身仰擊復傍擊
難於古人左右射齊觀百步透短門誰羨養由遙破的
儒生疑我新發狂武夫愛我生雄光杖移鬢底拂尾後
星從月下流中場人不約心自一馬不鞭蹄自疾凡情
莫辨捷中能拙目翻驚巧時失韓生訝我為斯藝勸我
徐驅作安計不知戎事竟何成且愧吾人一言惠

楊巨源

楊花落

北斗南迴春物老紅英落盡綠尚早韶風澹蕩無所依
偏昔垂楊作春好此時可憐楊柳花繁盈艷曳滿人家
女兒出羅幙靜掃玉庭待花落寶環纖手捧更飛翠羽
輕裾承不著歷歷垂瑟瑟舞瑤陳菲紅拂黛憐玉人東園
桃李芳已歇獨有楊花嬌暮春

已上係中唐之詩

劉禹錫

採菱女

白馬湖平秋日光紫菱如錦綵鸞翔盪舟遊女滿中央
採菱不顧馬上郎爭多逐勝紛相向時轉蘭橈破輕浪
長鬟弱袂動參差釵影釧文浮蕩漾笑語哇咬顧晚暉
蓼花綠岸扣舷歸歸來共到市橋步野蔓繫船萍滿衣
家家竹樓臨廣陌下有連牆多估客攜觴薦菱夜經過
醉蹋大堤相應歌屈平祠下沅江水月照寒波白煙起
一曲南音此地聞長安北望三千里

百舌吟

曉星寥落春雲低
初聞百舌間關啼
花枝滿空迷處所
搖動繁英墜紅雨
笙簧百啭音韻多
黃鸝吞聲燕無語
東方朝日遲遲升
迎風弄影如自矜
數聲不盡又飛去
何許相逢綠楊路
綿蠻宛轉似娛人
一心百舌何紛紜
酡顏俠少停歌聽
墮珥妖姬和睡聞
可憐光景何時盡
誰能低迴避鷹隼
廷尉張羅自不關
潘郎挾彈無情損
天生羽族爾何微
舌端萬變乘春暉
南方朱鳥一朝見

索寞無言蒿下飛

秦孃歌

并序

秦孃本韋尚書家主謳者初尚書為吳郡得之命
樂工誨之琵琶使之歌且舞無幾何盡得其術居
一二歲攜之以歸京師京師多新聲善工於是又
捐去故技以新聲度曲教之又盡其妙而秦孃名
字往往見稱於貴遊之間元和初尚書薨於東京
秦孃出居民間久之為蘄州刺史張憑所得其後

慈生事謫武陵郡慈卒恭孃無所歸地荒且遠無
有能知其容與藝者故日抱樂器而哭其音焦殺
以悲雒客聞之為歌其事以足于樂府云

恭孃家本閭門西門前綠水環金堤有時粧成好天氣
走上河橋折花戲風流太守韋尚書路傍忽見停隼旗
斗量明珠烏傳意紺幔迎入專城居長鬟如雲衣似霧
錦茵羅薦承輕步舞學驚鴻水榭春歌傳上客蘭堂暮
從郎西入帝城中貴遊簪組香簾櫳低鬟緩視抱明月

纖指破撥生胡風繁華一旦有消歇題劍無光履聲絕
洛陽舊宅生草萊杜陵蕭蕭松柏哀粧奩蟲網厚如繭
博山鑪側傾寒灰蘄州刺史張公子白馬新到銅駝里
自言買笑輕黃金月墜雲中從此始安知鵬鳥座隅飛
寂寞旅魂招不歸秦家鏡有前時結韓壽香銷故篋衣
山城少人江水碧斷鴈哀猿風雨夕朱絃已絕為知音
雲鬢未秋私自惜舉目風煙非舊時夢尋歸路多參差
如何將此千行淚更灑湘江斑竹枝

孟郊

巫山高

巴江上峽重復重陽臺峭壁十二峰
荆玉獵時逢春雨
夜卧高丘夢神女輕紅流煙濕艷姿行雲飛去明星稀
目極魂斷望不見猿啼三聲淚沾衣

李紳

閭里謠

鄉里兒桑麻鬱禾黍肥冬有縑襦夏有絺
兄鉏弟耨妻

在機夜犬不吠開蓬扉鄉里兒醉還飽濁醪初熟勸翁
媪鳴鳩拂羽知年好齊和楊花踏青草勸少年樂耕桑
使君為我剪荆棘使君為我驅豺狼林中無虎山有鹿
水底無蛟魚有魴父子獵歸白日暮明月處處春黃糧
鄉里兒東家父老為爾言鼓腹那知生育恩莫令太守
馳朱轡懸鼓一鳴羣鵲喧惡聲主吏噪爾門唧唧力力
烹雞豚鄉里兒莫悲咤上有明王頒詔下重選賢良恤
孤寡春日遲遲驅五馬留犢投錢以為謝鄉里兒終爾

詞我無却巧惠無私舉手一揮臨路歧

白居易

古挽歌

丹旆何飛揚素驂亦悲鳴晨光照閭巷輜車儼欲行蕭
條九月天挽出洛陽城借問送者誰妻子與弟兄蒼蒼
古原上峨峨開新塋含酸一悲哭異日同哀聲舊隴轉
蕪絕新墳日羅列春風秋草北邙山此地年年生死別
縣西郊秋寄贈馬造

紫閣峰西清渭東野煙深處夕陽中風荷老葉蕭條綠
水蓼殘花寂寞紅我厭宦遊君失意可憐秋思兩心同

真孃墓

其墓前乃
虎丘寺也

真孃墓虎丘道不識真孃鏡中面唯見真孃墓頭草霜
摧桃李風折蓮真孃死時猶少年脂膚蕘手不牢固世
間尤物難留連難留連易銷歇塞北花江南雪

陳陶

關山月

昔年嫖姚護羌月，今照嫖姚雙鬢雪。
青塚曾無尺寸歸，錦書多寄窮荒骨。
百戰金鎗體沙磧，鄉心一片懸秋碧。
漢地應啼破鏡時，胡塵萬里嬋娟隔。
度磧衝雲朔風起，邊笳欲曉生青珥。
隴上橫吹霜色刀，何年斷得匈奴臂。

謫仙詞

牧龍丈人病高秋，羣童擊節星漢愁。
瑤堂鳳輦不勝恨，太古一聲龍白頭。
玉氣蘭光久摧折，上清雞犬音書絕。
蜺旌失手遠於天，三島空雲對秋月。
人間磊磊浮漚客，

鸞驚蜻蜓飛自隔不應冠蓋逐黃埃長夢真君舊恩澤
溫庭筠

謝公墅歌

朱雀航南繞香陌謝郎東墅連春碧鳩眠高柳日方融
綺榭飄飄紫庭客文楸方罫花參差心陣未成星滿池
四座無喧梧竹靜金蟬玉柄俱持願對局含頻見千里
都城已得長蛇尾江南王氣繫疎襟未許苻堅過淮水

李羣玉

人日梅花病中作

去年今日湘西寺獨把寒梅愁斷腸今年此日江邊宅
卧見瓊枝低壓牆半落半開臨野岸團情團思醉韶光
玉鱗寂寂飛斜月素手亭亭對夕陽已被兒童苦攀折
更遭風雪損馨香洛陽桃李漸撩亂回首行宮春景長


陸龜蒙

放牛歌

江草秋窮似秋半十角吳牛放江岸鄰肩抵尾下依隈

橫去斜奔忽分散荒陂斷塹無端入背上時時孤鳥立
日暮相將帶雨歸田家煙火微茫濕

已上係晚唐之詩



唐詩拾遺卷三

欽定四庫全書

集部

唐詩拾遺卷六

四至

詳校官檢討

臣德生

助教

臣常循覆勘

總校官進士

臣朱

鈐

校對官編修

臣勵守謙

謄錄監生

臣

薛夢陽

欽定四庫全書

唐詩拾遺卷四

明 高棅 編

五言絕句

陳叔達

初年

和風起天路
嚴氣消氷井
索索枝未柔
厭厭漏猶永

郭振

昭君怨

聞有南河信傳言殺畫師始知君念重復遣畫娥眉

子夜秋歌

北極嚴氣昇南至溫風謝調絃競短歌拂枕憐長夜

已上初唐之詩

孟浩然

醉後贈高四

四海重然諾吾嘗聞白眉秦城遊俠客相待半酣時

裴迪

輞口遇雨憶終南山因獻絕句

積雨晦空曲
平沙滅浮彩
輞水去悠悠
南山復何在

崔顥

長干曲

三江潮水急
五湖風浪涌
由來花性輕
莫畏蓮舟重

王昌齡

題灞池

開門望長川薄暮見漁者借問白頭翁垂綸幾年也

崔國輔

襄陽曲二首

蕙草嬌紅萼時光舞碧雞城中美年少相見白銅鞮
少年襄陽地來往襄陽城城中輕薄子知妾解秦箏

子夜冬歌

寂寥抱冬心裁羅文裝裝夜久頻挑燈霜寒剪刀冷

高適

閒居

柳色驚心事春風厭索居方知一杯酒猶勝百家書

封丘作

州縣才難適雲山道欲窮揣摩慙黠吏棲隱謝愚公

岑參

尚書念舊垂賜袍衣率題絕句獻上申謝

富貴情還在相逢豈間然綈袍更有贈猶荷故人憐

題井陘雙溪李道士所居

五粒松花酒，雙溪道士家。唯求縮却地，鄉路莫教賒。

題雲際南峯眼上人讀經堂

眼公不下此堂十五年矣

結字題三藏，焚香老一峯。雲間獨坐卧，祇是對杉松。

經隴頭分水

隴水何年有，潺潺逼路傍。東西流不歇，曾斷幾人腸。

已上係盛唐之詩

錢起

江行無題十三首

自念平生意曾期一郡符可知因謫宦斑鬢入江湖
睡穩藥舟輕風微浪不驚任君蘆葦岸終夜動秋聲
見底高秋水開懷萬里天旅吟還有伴沙柳數枝蟬
土曠深耕少江平遠釣多生平皆棄本金革竟如何
白帝朝驚浪陽臺暮映雲等閒生險易世路祇如君
近戍離金落孤岑望火門唯將知命意瀟灑向乾坤
江草何多思冬青尚滿洲誰能驚鵬鳥作賦為沙鷗
幸有烟波興寧辭筆硯勞緣情無怨刺却似反離騷

沙上獨行時吟高到楚祠難將垂岸蓼盈把當江籬
柳拂斜陽路籬籬數戶村可能還有意不拚向江門
不識相如渴徒吟子美詩江清唯獨看心外更誰知
佳節雖逢菊浮生正似萍故山何處望荒岸小長亭
夜江清未曉徒惜月光沈不是因行樂堪傷老大心

石上苔

淨與溪色連幽宜松雨滴誰知古石上不染世人跡

東坡

一作憶
皇子陂

永日興難忘
掇芳春波曲
新晴花枝下
愛此苔水綠
韋應物

答李瀚三首

旅客逢春暮
絨情寄舊遊
海隅人使遠
書到洛陽秋
馬卿猶有壁
漁父自無家
想子念何處
扁舟隱荻花
林中觀易罷
溪上對鷗閒
楚俗饒辭客
何人最往還

答王卿送別

去馬嘶春草
歸人立夕陽
元知數日別
要使兩情傷

詠春雪

徘徊輕雪意似惜艷陽時不悟風花冷翻令梅柳遲

詠水晶

映物隨顏色含空無表裏持來向明月的皜愁成水

詠夜

明從何處去暗從何處來但覺年年老半是此中催

皇甫丹

春草

草遍潁陽山花開武陵水春色既已同人心亦相似

酬李判官度黎嶺見寄

隴首怨西征嶺南鴈北顧行人與流水共向關中去

病中對石竹花

散點空階下閒凝細雨中那能久相伴嗟爾殢秋風

李端

觀鄰老栽松

雖過老人宅不解老人心何事殘陽裏栽松欲待陰

載叔倫

勸陸三

寒郊好天氣
勸酒莫辭頻
擾擾鍾陵市
無窮不醉人

張仲素

宮中樂

江果瑤池實
金盤露井冰
甘泉將避暑
臺殿曉光凝

春遊曲三首

烟柳飛輕絮
風榆落小錢
濛濛百花裏
羅綺競秋千

騁望登香閣爭高下砌臺林間踏青去席上意錢來
行樂三春節林林百和香當年重意氣先占鬪雞場

春江曲二首

家寄征江岸征人幾歲遊不知潮水信每日到沙頭
乘曉南湖上參差疊浪橫前洲在何處霧裏鴈嚶嚶

令狐楚

遠別離二首

楊柳黃金穗梧桐碧玉枝春來消息斷早晚是歸時

玳織鴛鴦履金裝翡翠簾畏人相問著不擬到城南

已上係中唐之詩

李賀

莫種樹

園中莫種樹種樹四時愁獨睡南牀月今秋似去秋

馬四首

大漠沙如雪燕山月似鉤何當金絡腦快走踏清秋
香襖赭羅新盤龍蹴鐙鱗迴看南陌上誰道不逢春

忽憶周天子驅車上玉山
鳴騶辭鳳苑赤驥最承恩
催榜渡江東神驪泣向風
君王今解劔何處逐英雄

張籍

禪師

獨在西峯頂年年閉石房
定中無弟子人到為焚香

劉禹錫

淮陰行

今日轉船頭金烏指西北
烟波與春草千里同一色

楊巨源

題范陽金臺驛

六國唯求客千金遂築臺若令逢聖代憔悴郭生回

白居易

庾樓歲旦

歲時銷旅貌風景觸鄉愁牢落江湖意新年上庾樓

微之敦詩晦步相次淪逝歸然自傷

長夜君先去殘年我幾何秋風滿衫淚泉下故人多

張祐

讀曲歌

不見心相許徒云脚漫勤
摘荷空摘葉是底採蓮人

陸龜蒙

子夜秋歌

涼漢清沈寥哀林怨風雨愁
聽絡緯吟似與羈魂語

李暇

楚調曲

何處期郎遊小苑花臺間相憶不可見且復乘月還

薛維翰

古歌二首

美人怨何深含情倚金閣不嚬復不語紅淚雙雙落
美人閉紅燭獨坐裁新錦頻放剪刀聲夜寒知未寢
已上係晚唐之詩

山中客

別酒主人

酒盡君莫沽壺乾我當發城市多囂塵還山弄明月

樂府

甘州

欲使傳消息空書意不任寄君明月鏡偏照故人心

板襖曲三首

昨見春條綠那知秋葉黃蟬聲猶未斷塞鴈已成行
金谷園中柳春來自舞腰那看好風景獨上洛陽橋
何處堪愁思花間長樂宮君王不重客泣淚向東風

金史卷一百一十五
已上詩無名氏世次可考

七言絕句

崔敏重

宴城東莊

一年又過一年春百歲曾無百歲人能向花中幾回醉

十千沽酒莫辭貧

一作頻

崔惠

奉和宴城東莊

一月主人笑幾回相逢相值且銜杯眼看春色如流水
今日殘花昨日開

杜審言

戲贈趙使君美人

紅粉青娥映楚雲桃花馬上石榴裙羅敷獨向東方去
謾學他家作使君

沈佺期

上巳日板橋渭濱

寶馬香車清渭濱
紅桃綠柳禊堂春
皇情尚憶垂竿佐
天祚先呈捧劍人

韋嗣立

奉和上巳日祓禊渭濱

垂春祓禊逐風光
扈蹕陪鸞渭渚傍
還笑當時水濱老
衰年八十待文王

蘓頌

侍宴桃花園詠桃花應制

桃夭灼灼有光輝
無數成蹊點更飛
為見芳林含笑待
遂同溫樹不言歸

李入

奉和侍宴桃花園詠桃花應制

綺萼成蹊遍籞芳
紅英撲地滿筵香
莫將秋宴傳王母
來比春華壽聖皇

宋之問

傷曹娘

前溪妙舞今應盡
子夜新歌遂不傳
無復綺羅嬌白日
直將珠玉閉黃泉

武平一

餞唐永昌

聞君墨綬出丹墀
雙鳥飛來佇有期
寄謝銅街攀柳日
無忘粉署握蘭時

已上係初唐之詩

孟浩然

送張少府歸秦

試登秦嶺望秦川
遙憶青門春可憐
仲月送君從此去
他時須及邵平田

張子容

巫山

巫嶺峯巖天際重
佳期宿昔願相從
朝雲暮雨連天暗
神女知來第幾峯

裴迪

與盧員外象過崔處士興宗林亭

喬柯門裏自成陰
散髮空牕曾不簪
逍遙且喜從吾事
榮寵從來非我心

王維

少年行

一身能擘兩彫弧
虜騎千重只似無
偏坐金鞍調白羽
紛紛射殺五單于

歎白髮

宿昔朱顏成暮齒
須臾白髮變垂髻
一生幾許傷心事
不向空門何處銷

王昌齡

長信秋詞

高殿秋砧響夜闌
霜深猶憶御衣寒
銀燈青鎖裁縫歇
還向金城明主看

從軍行

關城榆葉早踈黃
日暮雲沙古戰場
表請迴軍掩塵骨

金史卷四
莫教兵士哭龍荒

別皇甫五

淑浦潭陽隔楚山
離樽不用起愁顏
明祠靈響期昭應
天澤俱從此路還

高適

九曲祠二首

許國從來徹廟堂
連年不為在壇場
將軍天上封侯印
御史臺中異姓王

萬騎爭歌楊柳春
十場對舞繡麒麟
到處盡逢歡洽事
相看總是太平人

已上係盛唐之詩

錢起

同王員外隴城絕句

三軍版築脫金刀
黎庶飢饉慙將士
勞不憶新城連嶂起
唯驚畫角入雲高

晚歸嚴明府題門

降士林霑蕙草寒
弦驚翰苑失
駕鸞秋中回首君門阻
馬上應歌行路難

故王維右丞堂前芍藥花開悽然感懷

芍藥花開出舊欄
春衫掩淚再來看
主人不在花長在
更勝青松守歲寒

韋應物

酬柳郎中春日歸揚州南園見別之作

廣陵三月花正開
花裏逢君醉一迴
南北相過殊不遠

暮潮歸去早潮來

閒居寄諸弟

秋草生庭白露時
故園諸弟憶相思
盡日高齋無一事
芭蕉葉上自題詩

與村老對飲

鬢眉雪色猶嗜酒
言辭淳朴古人風
鄉村年少生離亂
見話先朝如夢中

劉長卿

春日宴魏萬成湘水亭

何年家住此江濱
幾度門前北渚春
白髮亂生相顧老
黃鶯自語豈知人

秦系

即事奉呈韋郎中使君

時系試秘書省校書郎

久卧雲間已息機
青袍忽著狎鷗飛
詩興到來無一事
郡中今有謝玄暉

皇甫曾

酬竇拾遺秋日見呈

時此公自江陰令除諫官

孤城永巷時相見
衰柳閒門日半斜
欲送近臣朝魏闕
猶憐殘菊在陶家

李嘉祐

題道處上人竹居

詩思禪心共竹閒
任他流水到人間
手持如意高牕裏
斜日江邊千萬山

釋皎然

金史卷之二十一
塞下曲二首

寒塞無因見落梅
胡人吹入笛聲來
勞勞亭上春應度
夜夜城南戰未回

都護今年破武威
胡沙萬里鳥空飛
旄干瀚海掃雲出
羣騎天山踏雪歸

釋靈一

宿靜林寺

山寺門前多古松
谿行欲到已聞鐘
中宵引領尋高頂

月照雲峯凡幾重

包佶

再過金陵

玉樹歌終王氣收
鴈行高送石城秋
江山不管興亡事
一任斜陽伴客愁

司空曙

送鄭佶歸洛陽

蒼蒼楚色水雲間
一醉春風送爾還
何處鄉心是堪羨

汝南初見洛陽山

韓翃

少年行

千點斑斕玉勒驄
青絲結尾繡纏繫
揮鞭曉出章臺路
藥染春衣楊柳風

寄裴鄆州

烏紗靈壽對秋風
悵望浮雲濟水東
宮樹陰陰鈴閣暮
州人轉憶白頭翁

顧況

竹枝辭

帝子蒼梧不復歸
洞庭葉下楚雲飛
巴人夜唱竹枝後
腸斷曉猿聲漸稀

貽朱放

野客歸時無四隣
點婁別久道常貧
漁樵舊路不堪入
何處空山猶有人

送柳宜城葵

鳴笳已逐春風咽
疋馬猶依舊路嘶
遙望柳家門外樹
恐聞黃鳥向人啼

徐凝

宿列上人房

浮生不定若蓬飄
林下真僧偶見招
覺後始知身是夢
更聞寒雨滴芭蕉

李正封

禪門寺暮鍾

箕虞高懸于閨鍾黃昏發地殷龍宮遊人憶到嵩山夜
疊閣連樓滿太空

李益

上黃堆峯

集作
峯堆

心期紫閣山中月身過黃堆峯

集作
峯堆

上雲華髮已從書

劍老戎衣更逐霍將軍

劉商

滑州送人先歸

河水冰消鴈北飛
寒衣未足又春衣
自憐漂蕩經年客
送別十迴獨未歸

武元衡

嘉陵驛

悠悠風旆遶山川
山驛空濛雨作烟
路半嘉陵頭已白
蜀門西更上青天

張仲素

塞下曲二首

朔雪飄飄開鴈門
垂沙壓石卷蓬根
功名耻計擒生數
直斬樓蘭報國恩

隴水潺湲隴樹秋
征人到此淚雙流
鄉關萬里無因見
西到河源早晚休

令狐楚

塞下曲

邊草蕭條塞鴈飛
征人南望盡沾衣
黃塵滿面長須戰
白髮生頭未得歸

韓愈

湘中

此詩謂
屈原也

猿愁魚涌水翻波自古波傳是汨羅蘋藻滿盤無處莫
空聞漁父扣舷歌

題西林寺故蕭郎中舊堂公有女為尼在江州
中郎有女能傳業伯道無兒可保家偶到匡山曾住處
幾行衰淚落烟霞

已上係中唐之詩

李涉

竹枝歌三首

荊門灘急水潺潺兩岸猿啼烟滿山
渡頭年少應官去
月落西陵望不還

巫峽雲開神女祠
綠潭紅樹影參差
下牢戍口初相問
無義灘頭別離

石壁千重樹萬重
白雲斜掩碧芙蓉
昭君溪上年年月
獨自嬋娟色最濃

劉禹錫

竹枝歌三首

江上朱樓新雨晴
灤西春水穀文生
橋東橋西好楊柳
人來人去唱歌行

巫峽蒼蒼烟雨時
清猿啼在最高枝
箇裏愁人腸自斷
由來不是此聲悲

城西門前滌瀨堆
年年波浪不能摧
懊惱人心不如石
少時東去復西來

張籍

春日早朝

曉陌春寒朝騎來
瑞雲深處見樓臺
夜來新雨沙墀濕
東上閣門應未開

寄宋景

詔發官兵取亂臣
將軍弓箭不離身
君今獨在征東府
莫遣功名屬別人

使行望悟真守

金步已入公三
卷四
採玉峰連佛寺幽高高斜對驛門樓無端來去騎官馬
寸步教身不得遊

重陽日至峽道

無限青山行已盡迴看忽覺遠離家逢高欲飲重陽酒
山菊今朝未有花

別客

青山歷歷水悠悠今日相逢明日秋繫馬城邊楊柳樹
為君沽酒暫淹留

法雄寺東樓

汾河舊宅今為寺，猶有當時歌舞樓。
四十年來車馬客，古槐深巷暮禪愁。

鄰婦哭征夫

雙鏢初合便分離，萬里征夫不得隨。
今日軍迴身獨沒，去時鞍馬別人騎。

贈李司議

漢夜誰問投荒客，十歲天南著白衣。
秋草茫茫惡谿路，

嶺頭遙送北人歸

楊巨源

賦得灞岸柳留辭鄭員外

楊柳含烟灞岸春
年年攀折為行人
好風儻借低枝便
莫遣青絲掃路塵

呂溫

道州送戴簡處士賀州謁楊侍郎

羸馬孤童鳥道微
三十客散獨南歸
山公念舊偏知我

今日因君淚滿衣

李賀

酬答

雍州二月海池春御水鵝鶻暖白蘋試問酒旗歌板地
今朝誰是拗花人

劉言史

樂府二首

花領紅駿一向偏綠槐香陌欲朝天仍嫌衆裏嬌行疾

傍鐙溪藏白玉鞭

噴沫團香小桂條
玉鞭兼賜霍嫖姚
弄影便從天禁出
碧蹄聲碎五門橋

陳羽

襄陽過浩然舊居

襄陽城郭春風起
漢水東流去不還
孟子死來江樹老
烟霞猶在鹿門山

歐陽詹

塞上行

聞說胡兵欲利秋
昨來投筆到營州
驍雄已許將軍用
邊塞無勞天子憂

沈亞之

題候仙亭

新剏仙亭覆石壇
雕梁峻宇入雲端
嶺北嘯猿高枕聽
湖南山色捲簾看

杜牧

金史卷八十四
重到襄陽哭亡友章壽朋

故人墳樹五秋風
伯道無兒跡更空
重到笙歌分散地
隔江吹笛月明中

許渾

學仙

心期仙訣意無窮
綵畫雲車起壽宮
聞有三山未知處
茂陵松柏滿西風

旌儒廟

寒谷陰風萬古悲
儒冠相枕死秦時
廟前亦有商山路
不學老翁歌紫芝

夜泊永樂有懷

蓮渚愁江蕩碧波
吳娃齊唱採蓮歌
橫塘一別千餘里
蘆葦蕭蕭風雨多

題楞伽寺

碧烟秋寺汎湖來
水浸城根古堞摧
盡日傷心人不見
石榴花滿舊歌臺

酬江西盧端公藍口阻風見寄之什

又携刀筆從膺舟藍口風高桂楫留還似郢中歌一曲
夜來春雪照西樓

重別曾主簿

時諸妓
同餞

淚沿紅粉濕羅巾重繫蘭舟勸酒頻留却一枝河畔柳
明朝猶有遠行人

趙嘏

漢陰亭樹

碧樹如烟覆晚波，清秋欲盡客重過。故園亦有如烟樹，
鴻鴈不來風雨多。

聽蟬

噪蟬聲亂日初曛，絃管樓中永不聞。爭奈愁人數莖髮，
故園秋隔五湖雲。

陳陶

隴西行二首

漢主東封報太平，無人金闕議還兵。縱饒奪得林胡塞，

磧地桑麻種不生

隴戍三看塞草青樓煩新替護羌兵同來死者傷離別
一夜孤魂哭舊營

泉州刺桐花詠兼呈趙使君三首

海曲春深滿郡霞越人多種刺桐花可憐虎竹西樓色
錦帳三千阿母家

不勝攀折恨年華紅樹南看見海涯故國春風歸去盡
何人堪寄一枝花

赤帝常聞海上遊
三千幢蓋擁炎州
今來樹似離宮色
紅翠斜欹十二樓

雙桂詠

青冥結根易傾倒
沃州山中雙樹好
琉璃宮殿無斧聲
石上蕭蕭伴僧老

溫庭筠

楊柳枝

館娃宮外鄴城西
遠映征帆近拂提
繫得王孫歸意切

不關春草綠萋萋

重題端正樹

路傍佳樹碧雲愁
曾侍金輿幸驛樓
草木榮枯似人事
綠陰寂寞漢陵秋

傷溫德彝

昔年戎虜犯榆關
一破龍城足馬還
侯印不聞封李廣
他人丘隴似天山

周朴

塞下曲

石國胡兒向磧東
愛吹橫笛引秋風
夜來雲雨皆飛盡
月照平沙萬里空

吳融

水調

鑿河十里走黃沙
浮殿西來動日華
可道新聲是亡國
且看惆悵後庭花

王駕

古意

夫戎蕭關妾在吳西風吹妾妾憂夫一行書信千行淚
寒到君邊衣到無

韋莊

古別離

晴烟漠漠柳毵毵不那離情酒半酣更把玉鞭雲外指
斷腸春色在江南

王貞白

折楊柳

水殿年年占早芳
柔條風裏御爐香
如今萬乘多巡狩
輦路無陰綠草長

江為

塞上

萬里黃雲凍不飛
磧烟烽火夜深微
胡兒移帳寒笳絕
雲路時聞探馬歸

已上係晚唐之詩

樂府

水調歌第二疊

猛將闌西意氣多能騎駿馬弄琱戈金鞍寶鉸精神出
倚笛新翻水調歌

第四疊

隴頭一段氣長秋舉目蕭條總是愁祇為征人多下淚
年年添作斷腸流

入破第一疊

細草河邊一鴈飛
黃龍關裏掛戎衣
為受明王恩寵甚
從事經年不復歸

第五疊

千年一遇聖明朝
願對君王舞細腰
乍可當熊任生死
誰能伴鳳上雲霄

太和第三曲

庭前鵲遶相思樹
井上鶯歌爭刺桐
含情少婦悲春草
多是良人學轉蓬

金匱要略卷之八
破陣樂

秋風四面足風沙塞外征人暫別家千里不辭行路遠
時光早晚到天涯

童謠

乾符
六年

八月無霜塞草青將軍騎馬步空城漢家天子西巡狩
猶向江東更索兵

盧貞

楊柳枝

一樹依依在永豐
兩枝飛去杳無蹤
玉皇曾采人間曲
應逐歌聲入九重

王周

宿疎陂驛

秋染棠梨葉半紅
荊州東望草平空
誰知孤宦天涯意
微雨蕭蕭古驛中

已上樂府等詩無名氏世次

唐詩拾遺卷四